


Efterskolernerit 2017/2018

Danmarkimi efterskolini atuartut amerlanerusut

Ukiumi atuarfiusumi 2017/18-imi Kalaallit Nunaanni Danmarkimiluunniit efterskolini atuartut aallartitsisimasut 451-iusimapput, tamanna ukiup siulianut sanilliullugu 14-inik amerleriarnuq. Kalaallit Nunaanni efterskolini aallartittartut amerlassusaat ikileriarsimasoq Danmarkimi aallartittartut amerleriarsimapput.

Titartagaq 1. 2010/11-miit 2017/18-imut efterskolernerit aallartinneqartut amerlassusaat, atuarfik malillugu



Najoqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESF>).

Efterskole Villads Villadsen-i atuartunut 80-inut inissaateqartoq Maniitsumi Efterskoli atuartunut 70-inut inissaateqarpoq. Atuartulli efterskolini aallartittut amerlassusaat inissaqartitsinermit amerlanerusinnaapput, unitsitsisoqartillugu atuartut nutaat aallartissinnaasarmata.

2017/18-imi Kalaallit Nunaanni efterskolernerit aallartinneqartut amerlassusaat ikileriarsimapput. Pingaartumik Efterskole Villads Villadsen-imi, tassani 2017/18-imi aallartittut, ukiup siuliani 88-inut sanilliullugit, 77-iusimammata. Taamaasilluni 2017/18-imi Efterskole Villads Villadsen-imi atuartut amerlassusaat inissaateqarnermiit ikinnerusimapput.


2017/18-imi qallunaat efterskoliini atuartut ukiumut siulianut sanilliullugit 28-nik amerleriarsimapput. Ukiumi atuarfiusumi 2017/18-imi Namminersorlutik Oqartussat ilaqutariinnut isertitakitsunut angajoqqaat akiliutigisartagaannut tapiissutinik qaffaanerat ilutigalugu amerleriarpup.

Efterskolernermik aallartitsisut amerlasuut inuusunnerusut

Amerlanerpaat ukiumi 16-inik ukioqalerfimminni efterskolernermik aallartitsisarput, amerlasuullu meeqqat atuarfianni naammasserlaajusarlutik. Ukiumi atuarfiusumi 2017/18-imi atualertut 78 procentii ukiumi 16-iliiffimminni aallartissimasut 8 procentit inuusunnerupput. Taamaallaat Danmarkimi inuusuttut 16-it inorlugit ukiullit efterskolernermik aallartitsisinnaapput.

16-inik ukioqalereersimallutik efterskolernermik aallartitsisartut amerlassusaat 2016/17-imi 20 procentinik appariarsimasoq 2017/18-imi 16 procentinik appariarsimavoq. Killormulli 16-imik ukiullit 16-illu inorlugit ukiullit amerlassusaat 2 procentinik qaffariarsimavoq.

Titartagaq 2. 2017/18-imi efterskolernerit aallartinneqartut, ukiut malillugit



Nalunaarut: Ukiup pineqartup naanerani atuartut ukiui malillugit naatsorsuisoqarpoq. Najoqqutaq: Naatsorsueqissaartarfik- kisitsisaataasivimmi kisitsisit takukkit (<http://bank.stat.gl/UDNESA>).

Efterskolernerit sisamaagaangata pingasut naammassineqartarput

Ukiumi atuarfiusumi 2017/18-imi atuartut 352-it, aallartittut 78 procentiisa, efterskolernitik naammassisimavaat. Ukiup siulianut sanilliullugu 2 procentinik siuariarneruvoq.


Efterskolit akornanni Efterskole Villads Villadsen-imi naammassinnittarnermut procenti appasinnerpaavoq. 2017/18-imi Efterskole Villads Villadsen-imi atuartut 58 procentii naammassinnissimapput. Atuarfiup aallartisarneqarneraniilli naammassinnittarnermut procenti appariartuaarusaarsimavoq, 2016/17-imilu 55 procentimiilluni appasinnerpaasimalluni.

Maniitsumi Efterskoli-mi atuartut 73 procentiisa efterskolernitik naammassisimavaat. 2013/14-imi Maniitsumi Efterskoli-mi

naamassinnittarnermut procenti 48 procentimiilluni appasinnerpaasimavoq, naamassinnittarnermullu procenti taamanerit 26 procentinik qaffassimavoq.

Kalaallit Nunaanni efterskolinit sanilliullugit qallunaat efterskolii qaffasinnerusumik naamassinnittarnermut procenteqarsimapput. Ukiulli ingerlanerini appariarsimavoq, naamassinnittarneq 2013/14-imi 91 procentimittuq ukiuni atuarfiusuni kingullerni missiliorlugu 84 procentinngorsimavoq.

Titartagaq 3. 2010/11-miit 2017/18-imut naamassinnittarnermut procenti, efterskolit malillugit




Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESF>).

Ukioqatigiinni pingasunit amerlanerusut efterskolernermik aallartitsisarput

Ataani takuneqarsinnaapput 1995-imiit 2000-imut ukioqatigiit ukiuni atuarfiusuni 2009/10-mi aammalu 2017/18-imi efterskolernernik aallartitsisimasut naamassinnissimasullu.

Titartagaq 4. Ukioqatigiinni efterskolernermik aallartitsisimasut/naamassinnissimasut amerlassusaat, 1995-imiit 2000-imut inunngortut malillugit



Najoqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESE>).

Inuusuttut 2000-imi inunngorsimasut affangajai (47 procentit) efterskolernermik aallartitsisimapput, 35 procentillu efterskolernermik naamassinnissimallutik. Siuliini ukioqatigiit marluk amerlaqatigaat. Ukioqatigiinni inuit amerlassusaat 1995-imi 941-nit 2000-imi 803-nut ikileriarsimapput.

Eqikkaaneq

Tabel 1. 2010/11-miit 2017/18-imut efterskolernerit amerlassusaat, atuarfintut killiffinnullu agguaallugit

	2010/11	2011/12	2012/13	2013/14	2014/15	2015/16	2016/17	2017/18
Efterskole Villads Villadsen								
Aallartitsinerit	87	82	88	93	88	86	88	77
Unitsitsinerit	13	14	18	33	22	32	40	32
Naammassinninnerit	74	68	70	60	66	54	48	45
Maniitsumi Efterskoli								
Aallartitsinerit	-	75	69	67	79	74	78	75
Unitsitsinerit	-	29	34	35	29	24	20	20
Naammassinninnerit	-	46	35	32	50	50	58	55
Qallunaat efterskolii								
Aallartitsinerit	283	259	282	307	282	265	271	299
Unitsitsinerit	30	24	25	54	56	51	46	47
Naammassinninnerit	253	235	257	253	226	214	225	252
Katillugit								
Aallartitsinerit	370	416	439	467	449	425	437	451
Unitsitsinerit	43	67	77	122	107	107	106	99
Naammassinninnerit	327	349	362	345	342	318	331	352

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESEF>).

Tabel 1. Efterskolernernit aallartitsisimasut/naammassinnissimasut amerlassusaat, ukioq inunngorfik malillugu; 1995-imiit 2000-imut inunngortut

	1995	1996	1997	1998	1999	2000
Ukioqatigiinni katillugit	941	909	975	849	813	803
Efterskolernerit aallartinneqartut	382	421	413	405	371	378
Efterskolernerit naammassineqartut	327	331	312	313	295	283

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESE>).

Periaaseq

Ukiumi atuarfiusumi 2016/17-imi Kalaallit Nunaanni efterskolini efterskolernernik naammassinnissimasut unitsitsisimasullu amerlassusiini annikitsumik aaqqiisoqarpoq.

Nalunaarsuutit tunngaviusut

Nalunaarsuutit najoqqutaralugit atorneqartut tassaapput:

- Ilinniartitaanermut Naalakkersuisoqarfiup Kalaallit Nunaanni efterskolini atuartunut nalunaarsuiffia
- Oqaasileriffiup Danmarkimi efterskolini atuartunut nalunaarsuiffia
- Naatsorsueqqissaartarfiup innuttaasunut nalunaarsuiffia

Kalaallit Nunaanni efterskolit aallarnisarneqalerneranniilli nalunaarsuutit nassaassaapput. Efterskole Villads Villadsen ukiumi atuarfiusumi 2009/2010-mi ammarneqarpoq Maniitsumilu Efterskoli ukiumi atuarfiusumi 2011/2012-imi ammarneqarluni. Ukioq atuarfiusoq 2010/2011 sioqqullugu qallunaat efterskoliini naammassinninnerit unitsitsinerillu nalunaarsuuteqanngillat, taamaattumik qallunaat atuarfiini efterskolernernut naatsorsuutit ukiumi pineqartumi aallartipput.

Periaaseq

Efterskolernernut nalunaarsuutit naleqquttut ukiumi atuarfiusumi aallartitsinerit, unitsitsinerit naammassinninnerillu malillugit immikkoortiterneqarput. Ukiumi atuarfiusumi ataatsimi atuortoq ataatsimit amerlanerusunik efterskolernernik ingerlatsisimasutut allaqqasinnaavoq, unitsitsereernermit efterskolimi allami aallartitseqqissimaguni.

Atuartut ukiui ukiup pineqartup naanerani naatsorsorneqarput, 16-illu inorlugit ukiulinnut, 16-inik ukiulinnut, 17-inik ukiulinnut aammalu 17-ileereersimasunut immikkoortiterneqarlutik.

Naatsorsueqqissaartarfiup innuttaasunut nalunaarsuisarfiani atualinnginnermi illoqarfik nalunaarsorneqarsimasoq kingulleq atorlugu atuartut illoqarfinnut atassuserneqarput. Atuartut atualinnginnermi innuttaasunut nalunaarsuisarfimmi nassaarineqanngitsut kalaallit efterskoliinut imaluunniit qallunaat efterskoliini atuartuuppata paasisutissaqanngitsutut nalunaarsorneqarput.

Atuartut efterskolernernik aallartitsisimasut ukioqatigiinni inuit amerlassusaannut naleqqiullugit aamma naatsorsorneqarput. Ukioqatigiit innuttaasunut nalunaarsuisarfimmi ukioq 14-inik ukioqalerfiat malillugu naatsorsorneqarput. Efterskolini atuartut nukarlersaat ukiumi 15-inik ukioqalerfimmini aallartittarnerannik aammalu efterskolini atuartut Kalaallit Nunaatalu avataani ilinniartut innuttaasunut nalunaarsuisarfimmi allaqqannginnerinik tamanna peqquteqarpoq.

Naatsorsuineq

Atuartut ukiup atuarfiusup naanerani killiffiat, ukioq atuarfiat, efterskoli, suaassusaat, ukiui aammalu illoqarfii malillugit agguaanneqarput.

Taamatullu ukioqatigiinni atuartut efterskolernernik
aallartitsisimasut/naammassinnissimasut amerlassusaat naatsorsorneqarput.

Killiliinerit erseqqissagassallu

Atuartoq ukiup atuarfiusup ataatsip iluani ataatsimit amerlanerusunit
efterskolernernik ingerlatsisimasutut allaqqasinnaavoq, unitsitserernerup
kingorna efterskolimi allami aallaartitseqqissimaguni.

Kisitsisaataasivimmi ukioqatigiit malillugit kisitsisit naatsorsukkat ukiut
tamaasa allanngortassapput, ukioqatigiinni suli amerlanerusut
kingusinnerusukkat efterskolernernik aallartitsisimappata.

Ilisamaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Randi Mortensen
E-mail: rand@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

